

Cambio di ley ta permiti graduadonan di MAVO sigui cu HAVO segun normanan mas husto

ORANJESTAD - Durante di un conferencia di prensa Minister Michelle Hooyboer - Winklaar a anuncia formalisacion di e cambio di ley cu ta garantiza normanan di admision nacional di MAVO pa HAVO. E cambio di ley aki ta prescribi cu e stipulacion di normanan di admision mester bay den deliberacion den un comision cu ta conseha Minister di Enseñansa pa loka ta e normanan di admision pa tur scol di enseñansa secundario na Aruba.

E ley ta evita cu cada directiva di scol ta traha cu diferente norma di admision y cu por adapta of hisa esaki sin mas. E cambio di ley aki mester garantiza uniformidad, transparencia, claridad y accesibilidad di enseñansa pa nos hobennan di Aruba. Ta trata aki di e "Landsbesluit dagscholen MAVO, HAVO, VWO" cu a keda formalisa dia 1 di juli 2015 y publica dia 2 di juli 2015 via di "Afkondigingsblad" di Aruba. E ley ta disponibel riba www.ea.aw.

E normanan ta valido per direct y conforme ley y e proceso den e comision tur directiva di scol mester mantene nan mes na esaki.

Mas di 1 año deliberando
For di januari 2014 Minister di Enseñansa tabata den deliberacion cu directiva di e fundacion cu ta maneha Colegio Arubano, esta SMOA, tocante e maneho di admision pa alumnonan di MAVO. E deliberacionnan riba e topico aki ta uno largo, intensivo y cu a conoce diferente contratiempo. Despues di mas cu un año di deliberacion y diferente iniciativa y accion mester indica cu lastimamente ainda SMOA y Gobierno no ta comparti e mesun vision y opinion. Den ful e proceso aki e punto di salida di e mandatorio encarga cu enseñansa semper tabata cu ta kere den e potencial di nos hobennan y cu tur hoben merece e oportunidad pa sigui studia y demostra nan mes. E ta e responsabilidad di e alumno pa haci su maximo esfuerso y e ta e responsabilidad di e scol, directiva di scol y di Gobierno pa facilita e hoben cu tur lo necesario pa por saca lo maximo di su potencial.

Cu e punto di salida aki a

Criteria voor toelating tot het vierde leerjaar havo 4	
Een leerling afkomstig van een gelijksoortige school, wordt bij toelating geplaatst in het leerjaar waarin hij op de school waar hij vandaan komt, onderwijs zou hebben mogen volgen. (artikel 3 Landsbesluit 1999 no. 62)	
Diploma	Norm voor mavo-havo toelating 2015-2016 Havo-diploma met advies havo-4
Leeftijd	Per 1 oktober niet ouder dan 18 jaar.
toelatingseis	Minimaal 41 punten bij 6 vakken Geen onvoldoendes
Toelatingseis met één tekort	Minimaal 42 punten bij 6 vakken. Maximaal 1 tekort.
Toelatingseis met twee tekorten	Minimaal 43 punten bij 6 vakken. Maximaal twee tekorten (twee (2) vijfen of één (1) vier op de cijferlijst.

Norm voor toelating tot het driejarig traject havo 2015-2016	
Diploma	Havo-diploma met advies havo-4
Leeftijd	Per 1 oktober niet ouder dan 18 jaar.
toelatingseis	Schooljaar 2015-2016: minimaal 40 punten voor mavo-diploma met 6 vakken.
Bevoegd gezag	Besluit over toelating van leerlingen die de vastgestelde norm niet hebben behaald

sinta na mesa y comunica cu SMOA. Na varios ocasion durante reunionnan y den correspondencia a muestra SMOA riba su responsabilidad. Hisa norma di admision sin inverti den contenido di enseñansa no tin sentido, mirando cu e situacion ta keda mescos y e problema a djs wordo hala di un banda pa otro. Si bo kier traha na calidad di berdad, mester inverti den e contenido, den e maestronan y den e guia di alumno. Esey ta e unico manera pa realisa un mehoracion di berdad y cu ta sostenibel.

Minister di Enseñansa a muestra e importancia cu e doorstroom di MAVO pa HAVO tin pe y cu Gobierno y tur nos directivanan di scol tin un responsabilidad hopi grandi pa garantiza e accesibilidad di enseñansa pa tur nos hobennan. SMOA a indica na inicio di e deliberacionnan cu no tin ningun problema pa laga alumnonan di MAVO drenta basta cu Gobierno cumpli cu algun condicion cu nan tin. Lastimamente a bin resulta cu e condicionnan aki no tabata tin di haber directamente cu mehoracion di e conexon entre MAVO-HAVO pero tabata mas bien otro deseonan y exigencianan cu SMOA tabata tin pa entre otro drecha e "Aafwateringssysteem" di e tereno di scol y tambe pa ekipa tur klas cu

"laptop" y "smartboards".

Minister di Enseñansa na a descarta cu lo por delibera riba e inversionnan adicional aki cu SMOA, pero a muestra SMOA cu un tono hopi fuerte cu no por mara e deliberacion tocante e accesibilidad di HAVO pa nos hobennan na otro deseonan di SMOA. Na e momento ey Minister di Enseñansa a muestra su decepcion riba e directiva di Colegio Arubano caminda cu a señala cu no por perde e interes di e hobennan y e interes general for di bista. Cu e posicion cu SMOA a tuma na e momento ey a pone hopi duda den nan intencion y motivacion pa cu e cambionan cu nan ta insisti riba dje riba e maneho di admision. Cu e exigencianan cu nan a mara na e deliberacion a muestra cu pa SMOA e maneho di admision pa MAVO no ta un cuestion di principio pero cu SMOA mas bien ta dispuesto pa "bargain" cu futuro di nos hobennan. Esaki no tabata aceptabel pa e Minister actual di Enseñansa y como contesta a manda un carta hopi fuerte pa SMOA pa nan reconsidera nan posicion y ta urgi nan pa no trece e puntunan aki mas dilanti den e deliberacion actual tocante admision.

Inversion miho guia
Na e momento ey tabata tin

indicacion cu SMOA a realisa cu loke nan tabata bezig cu ne no tabata corecto. SMOA y Minister a sinta bek na mesa caminda cu a haci palabracionnan concreto pa loka ta mehoracion di e conexon entre MAVO y HAVO. A palabra cu lo inverti den entre otro den mas y miho guia pa e alumnonan den forma di "Persoonlijke mentoren", lo hisa e oranan pa "huiswerkbegeleiding" pa tur alumno, lo introduci un "pilot Summer Scol" pa yuda facilita e conexon y tambe cu lo instala un comision cu lo bin cu recomendacion riba tur nivel pa asina por mehora e conexon entre MAVO cu HAVO. Na e momento ey tur partner tabata satisfecho mirando cu hunto lo bay traha na un solucion structural pa e problema.

Lastimamente na comienso di año escolar 2014-2015 SMOA y Colegio Arubano, mientras cu e proceso di e comision tabata andando, sin consulta y sin informa Minister of e otro partners den e comision a dicidi riba nan mes pa cambia di posicion un biaha mas. Kico precies a conduci na e cambio aki di posicion ainda no ta cla pa e demas partner pero SMOA ta duna e impresion di no ta comprometi cu un solucion duradero y cu e palabracionnan cu a ser haci. Cu e stap aki SMOA y Colegio Arubano ta scoge pa no traha hunto pa mehora calidad y ta perde asina confiansa di partner den educacion.

Na fin di año pasa e rapport di e comision cu recomendacionnan pa mehora e conexon entre MAVO-HAVO a keda cla. Mientras tanto e rapport a wordo ofreci oficialmente na tur e directivanan di scol y instancianan concerni. E rapport aki ta uno completo caminda cu a haci un analisis extenso di e situacion actual, a benchmark cu Hulanda y Corsou y a bin cu diferente recomendacion concreto riba tur nivel pa mehora e situacion. E rapport ta forma un bon base pa cuminsa implementa e mehoracion nan cu mester tuma luga. Diferente partner a reacciona

positivo cu e recomendacionnan cu ta wordo formula den e rapport y recientemente Parlamento di Aruba e sostiene e implementacion di e recomendacionnan di e rapport cu un mocion cu a wordo acepta unanimamente. E compromiso y responsabilidad di cada directiva di scol y

partner ta sumamente crucial pa e proceso di mehoracion. Te na ultimo ainda a bolbe pidi Colegio Arubano pa reconsidera nan posicion pero lastimamente e directiva di scol a nenga di haci esaki. E unico alternativa cu a resta na e momento ey ta pa sigui cu e proceso pa haci adaptacion den e ley cu ta stipula e parti di admision di alumnonan na e diferente scolnan.

Manera cu e cambionan den ley a keda formalisa a sigui cu un Ministeriele Beschikking pa asina instala un comision cu tur año lo conseha riba e normanan di admision. Dia 2 di juli ultimo e comision cu lo mester conseha Minister riba e normanan di admision a keda instala pa medio di un Ministeriele Beschikking. Cada directiva di scol di MAVO, HAVO, VWO tin un representante. Inspecteur General di Enseñansa ta Presidente di e comision y tin representacion tambe di Directie Onderwijs.

Dia 8 di juli a tuma luga e reunion di e comision unda cu mester a discuti e normanan di admision pa año escolar 2015-2016 y tene e votacion pa por formula e conseho pa Minister. Tur directiva di scol incluyendo SKOA, SPCOA, DPS y SMOA ta presente na e reunion y a forma parti di e votacion pa e normanan di admision. E normanan cu a keda presenta ta e normanan existente di admision di MAVO pa HAVO. Na final di e votacion 5 miembro a vota pro e normanan di admision presenta y un miembro a vota contra. A base di e votacion den e comision, Inspecteur general a formula e conseho y manda esaki pa Minister pa e normanan di admision por wordo formalisa.

Despues cu Minister a acorda e conseho e normanan a wordo comunica oficialmente na tur e instancianan y directivanan di scol. E normanan oficial di admision di Mavo pa Havo pa 2015-2016 ta como siguiente (mira bijlage). □